

dicè aperto piloso *ferè ad medium* 8 dentato, dentibus *ovato-lanceolatis* in aristam albidam hispidulam limbi pilos multò superantem et limbo toto *longiorem* desinentibus; corollæ tubo hispidulo basi sensim attenuato calice *triplo* longiore, lobis oblongis obtusis, fructu laxè villosa elliptico-oblongo compresso calicis longitudinem paulò superante, foliis pubescentibus *obscurè* virentibus, radicalibus oblongis acutis infernè in petiolum angustatis integris simpliciter crenatis vel infernè profundè pinnatifidis, lobis patulis oblongis obtusis integris crenatisve, caulinis sessilibus in lobos lineares elongatos cum terminali majore dissectis, floralibus linearibus integris, caule infernè præsertim villosa erecto ramoso, ramis paniculatis virgatis.

Hab. in nemorosis et herbosis siccis collium calcareorum propè *Lyon; Morestel; Belley; Cremieu* (Timeroy). — Fl. jul. ♂. — Flores purpureo-lilacini radiantes involucrum superantes: antheræ stylusque exserti: caulis 4-6 dec. altus.

K. collina Req. huic valdè affinis differt: involucelli dentibus conspicuè lanceolatis acutis, limbo calicis eximie pedicellato parcè breviterque piloso, dentibus brevibus in aristas limbo toto triplo longiores desinentibus, foliis lætiùs virentibus radicalibus imis obtusissimis cæteris subbipinnatifidis lobis obtusioribus, demum caudice crasso perenni nec bienni.

K. arvensis L. à *K. Timeroyi* differt: corollis lilacinis paulò majoribus, tubo corollæ basi longiùs attenuato, dentibus calicis angustioribus, fructu majore minùs æquali, foliis lætiùs virentibus magis apice attenuatis acutioribus multò minùs dissectis, ramis haud virgato-paniculatis sæpiùs paucifloris, deniquè inflorescentiâ in iisdem locis multò præcociore.

(24) **KNAUTIA VIRGATA.** Jord. Pedunculis elongatis, involucri foliolis *lanceolato-acuminatis* infernè angustatis imâ basi extùs subgibboso-incrassatis, involucelli dentibus paucis angustis acutis, calicis limbo *pedicellato* cyathiformi piloso *ferè ad medium* 8 dentato, dentibus *lanceolatis* in aristam tenuem purpurascentem hispidulam *apice inflexam* limbi pilos superantem limboque toto *duplò longiorem* desinentibus, corollæ tubo brevi calice *haud duplò* longiore, lobis oblongis obtusis, fructu laxè patenterque villosa oblongo compresso apice attenuato, foliis pubescentibus, radicalibus oblongis *elongatis* acutis infernè in petiolum brevem angustatis integris vel obtusè crenatis pinnatifidisve, lobis erecto-patulis obtusis breviter crenatis, caulinis ambitu *ovatis* ex ovatâ basi *ad costam pinnatifidis*, lobis numerosis elongatis lanceolato-linearibus linearibusve subacutis integris vel subdentatis, floralibus *lanceolatis* subintegris, caule breviter pubescente erecto ramoso, ramis *virgatis paniculatis* multifloris.

Hab. in sylvaticis et herbosis siccis Pedemontii prope Saça! — Flor. jun. ♂. — Flores purpureo-lilacini radiantes involucro paulò longiores: antheræ stylusque purpurei exserti: caulis 4-6 dec. altus.

A *K. molli* et *Timeroyi* statim dignoscitur: involucri foliolis acuminatis, calicis dentibus longiùs et tenuiùs aristatis, aristis purpurascentibus apice flexis, tubo corollæ breviori, foliis radicalibus elongatis, caulinis multilobatis ambitu latis, floralibus latioribus, floribus numerosioribus.

(25) **LACTUCA FLAVIDA.** Jord. Paniculæ patentis ramis alternis racemosis, capitulis pedicellatis, involucri pallidè subpulveracei foliolis *lanceolato-linearibus apice* *laxis* obtusiusculis, flosculis *lætè flavidis* oblongis acutè dentatis, akeniis *atro-bruncois* obovato-oblongis basi et apice attenuatis *latiusculè marginatis* ad marginem supernè subtilissimè scabris *glabris* nervis prominulis utrinque 5-6 instructis, pappi nivei breviusculi stipite tenui albido *akenio breviori*, foliis *lætè virentibus* carinâ aculeatis, radicalibus latis obovatis in petiolum angustatis margine crispato-dentatis, caulinis ovali-oblongis obtusis *sagittatis sinuatis* integrisve mucronato-denticulatis, ramealibus integris lineari-lanceolatis acuminatis.

Hab. ad sepes et in sylvaticis collium secus Rhodanum propè *Lyon*. — Flor. jul., aug. ♂. — Caulis 8-15 dec. altus.

Obs. *L. virosa* L. huic affinis differt: floribus pallidè flavis paulò minoribus, akeniis omninò atris magis apice contractis pappi stipitem æquantibus nec illo brevioribus, foliis

obscurè virentibus sæpè ad venas violaceo-purpurascensibus, radicalibus sæpè majoribus sed minùs latè obovatis.

L. scariola L. planè differt: floribus pallidissimis, akeniis sub duplò minoribus angustè marginatis griseis apice evidentius scabris pilosisque, pappi stipite longiore, foliis glaucescentibus, radicalibus multò angustioribus.

(26) **LATHYRUS PYRENAICUS.** Jord. Pedunculis 2-4 floris foliis sæpè longioribus, calicis dentibus tubo brevioribus *ex ovata basi* linearibus acuminatis, superioribus duobus brevibus *apice conniventibus*, vexillo subreniformi-emarginato, alis obovatis, stylo lineari pleno, leguminibus lineari-oblongis compressis, seminibus rugulosis, hilo vix ultrà *tertiam circuitus partem* semen cingente, foliis unijugis, petiolis brevibus alatis, foliolis latè virentibus *oblongis* trinerviis apice obtusis mucronatis, caulibus alis ipsorum *diametrum æquantibus* instructis ramosis diffusis vel scandentibus, caudice perenni crasso breviter ramoso.

Hab. in sylvaticis et dumetis montanis Pyrenæorum centralium; *Pierrefite! Luz! Gèdre!* — Flor. jul., aug. ☿. — Vexillum dorso virens dilutè in carneum vergens latere inferiore basi purpureum cæterum carneum: alæ purpuræ: carina pallida.

L. sylvestris L. huic habitu affinis eximiè differt: pedunculis multifloris, floribus paulò majoribus, dentibus calicis latioribus longioribusque, superioribus haud apice conniventibus, vexillo paulò latiore, alis autem angustioribus, seminibus paulò majoribus, hilo dimidiam seminis partem cingente, foliis elongatis lineari-lanceolatis attenuato-acuminatis nec subæqualiter oblongis, stipulis evidenter falcatis, petiolis longioribus, alis caulium *diametrum ipsorum duplo superantibus*, denique habitu robustiore.

(27) **LINUM AMBIGUUM.** Jord. Pedunculis fructiferis erectis, sepalis ovatis trinerviis acuminatis, interioribus ad marginem angustè membranaceis breviterque ciliatis et capsulam globosam cuspidatam *serè superantibus*, petalis pallidè cæruleis latè *obovatis integerrimis* breviter unguiculatis calice *duplò* longioribus, foliis lanceolato-linearibus acuminatis margine levibus trinerviis, nervis lateralibus apice evanidis, caulibus numerosis solitariis primùm diffusis ascendentibus demùm erectis apice ramoso-paniculatis, radice annuâ.

Hab. in collibus schistosis Galloprovinciæ, propè *Hyères!* et forsàn in aliis regionum mediterranearum locis. — Flor. maio. ☉ — Antheræ oblongæ pallidæ filamentis sub duplò longiores stylisque paulò breviores: caules 3-5 dec. alti.

A simillimo *L. angustifolio* Huds. differt: sepalis interioribus minùs abruptè cuspidatis angustius membranaceo-marginatis capsulam in vivo et ante dehiscenciam breviter superantibus! nec conspicuè brevioribus, petalis majoribus pallidioribusque supernè magis dilatatis haud serrulatis, cotyledonibus majoribus, foliis latioribus conspicuè trinerviis nec subuninerviis, demùm radice annuâ nec bienni.

A *L. usitatissimo* L. recedit: floribus pallidioribus, petalis haud dentatis, capsulâ multò minori et magis globosâ, seminibus duplò minoribus, etc. Hæc ultima species calicis fructiferi sepalis apice extrorsum flexis statim dignoscitur; hoc egregio caractere in auctoribus, ni fallor, haud memorato, ab omnibus affinibus in vivo facillimè distinguenda.

Obs. Plures auctores *L. angustifolio* Huds. radicem perennem et flores pallidè purpureos tribuunt. In plantâ autem gallicâ flores semper cæruleos et radicem certè biennem nec perennantem vidi.

(28) **LINUM LOREYI.** Jord. *L. montanum* Lor. et Dur., Fl. Côte-d'Or, I, p. 157, non DC. *L. austriacum* Gren. et Godr., Fl. de Fr. ex parte non L. Pedunculis fructiferis *patulis subarcuato-pendulis*, sepalis ovatis *breviter acuminatis* 5 nerviis, nervis usque ad medium et ultrà *valdè conspicuis*, interioribus latè scarioso-marginatis capsulâ *globoso-ovata* duplò brevioribus, petalis intensè cæruleis in tertiâ parte inferiore lutescentibus *obovato cuneatis* margine laterali serè toto incumbentibus calice *haud triplò* longioribus, seminibus fuscis subæqualiter ovato-oblongis leviter marginatis, foliis *viridibus crassiusculis* brevibus *subæqualiter* et angustè linearibus acutis nervo *crasso prominulo* instructis ad marginem tenuiter subserrulatis infernè cauli *arctè adpressis* supernè *patulo-erectis*, inferioribus *densis* approximatis, *omnibus erectis*, caulibus pluribus gracilibus basi breviter ascendentibus *strictè erectis* racemo paucifloro terminatis, caudice tenui perennante.